

Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 24.11.2023. godine

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

**Ministarstvo komunalne privrede, infrastrukture, prostornog uređenja, građenja i zaštite
okoliša Kantona Sarajevo**

**Kantonavno javno komunalno preduzeće za proizvodnju i distribuciju toplotne energije
"Toplane - Sarajevo" d.o.o. Sarajevo**

ZASTUPNIČKO PITANJE

Obzirom da KJKP „Toplane – Sarajevo“ d.o.o. Sarajevo zloupotrebljavaju svoj dominantan položaj na tržištu, što je utvrdilo Konkurencijsko vijeće Bosne i Hercegovine i kaznilo KJKP „Toplane – Sarajevo“ d.o.o. Sarajevo; da krše Ustav Bosne i Hercegovine i Evropsku konvenciju o ljudskim pravima i temeljnim slobodama, što je utvrdio Ustavni sud BiH, te nastavljaju sa navedenim postupanjem uprkos navedenim odlukama, i to na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) pitanje upućujem **Kantonavnom javnom komunalnom preduzeću za proizvodnju i distribuciju toplotne energije "Toplane - Sarajevo" d.o.o. Sarajevo**, i tražim da mi se dostave odgovori u najkraćem mogućem roku na sljedeća pitanja:

1. Kada će KJKP „Toplane - Sarajevo“ d.o.o. Sarajevo izvršiti izmjenu svih postojećih Ugovora o korištenju toplotne energije sa korisnicima usluga u pogledu sadržaja ugovora, a sve u skladu sa Uredbom o opštim uslovima za proizvodnju, isporuku i korištenje toplotne energije u vezi sa Zakonom o obligacionim odnosima; kao i kada će početi da takve pravilno usklađene Ugovore zaključuju sa novim korisnicima usluga?
2. Kada će KJKP „Toplane - Sarajevo“ d.o.o. Sarajevo, prestati da krši pravo na imovinu građana Kantona Sarajevo, garantovano Ustavom BiH i Evropskom konvencijom o ljudski, pravima i temeljnim slobodama, na način da nezakonito odbijaju raskidati ugovore o pružanju svojih usluga građanima?
3. Traži se izjašnjenje i izvještaj Uprave KJKP „Toplane - Sarajevo“ d.o.o. Sarajevo o koracima koje su poduzeli da prestanu sa navedenim kršenjima prava na imovinu nakon Odluke Ustavnog suda BiH broj AP 1820/15.

4. Kada će KJKP „Toplane – Sarajevo“ d.o.o. Sarajevo prestati da zloupotrebljava svoj dominantan položaj na tržištu na način da pojedinim građanima Kantona Sarajevo, kao bivšim korisnicima isključenim sa toplifikacijskog sistema, i dalje neosnovano fakturišu fiksne troškove na ime "angažovanja kapaciteta", uprkos rješenju Konkurencijskog vijeća BiH, broj UP-01-26-2-025-43/17, koje je takvo postupanje oglasilo nezakonitim?
5. Traži se izjašnjenje i izvještaj Uprave KJKP „Toplane - Sarajevo“ o koracima koje su poduzeli da usklade svoje poslovanje sa Rješenjem Konkurencijskog vijeća BiH broj UP-01-26-2-025-43/17.

Admela Hodžić